

**/մաքսային կանոնների խախտման վերաբերյալ
գործի վարույթ սկսելը մերժելու մասին /**

«01» հոկտեմբերի 2021թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Հայկ Միրզոյանս, քննելով Թուրքմենստանի քաղաքացի Հենրիկ Հայրապետյանի /անձնագիրը՝ A0771494, ծնված՝ 11.10.1957թ./ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Թուրքմենստանի քաղաքացի Հենրիկ Հայրապետյանի անվամբ 30.06.2019 թվականի թիվ 05100041/300619/0000429025 մաքսային մուտքի օրդերով, «Ժամանակավոր ներմուծում» մաքսային ընթացակարգով 1 /մեկ/ տարի ժամկետով ՀՀ տարածք է ներմուծվել BMW-530i մակնիշի, VIN-WBANE71070CM08165, 2007 թվականի արտադրության, AS3085AG պետհամարանիշի տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը սահմանվել է մինչև 30.06.2020 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ԵՏՄ հանձնաժողովի 29.04.2020 թվականի թիվ 47 որոշմամբ մինչև 30.09.2020 թվականը երկարացվել է անձնական օգտագործման ապրանքների վերաարտահանման ժամկետները, եթե այդ ժամկետները ավարտվում են 01.03.2020 թվականից մինչև 30.09.2020 թվականն ընկած ժամանակահատվածում: ԵՏՄ հանձնաժողովի 11.09.2020 թվականի թիվ 79 որոշմամբ ԵՏՄ հանձնաժողովի 29.04.2020 թվականի թիվ 47 որոշման մեջ կատարվել է փոփոխություն 30.09.2020 թվականը փոփոխվել է և երկարացվել է մինչև 31.03.2021 թվականը: ԵՏՄ հանձնաժողովի 05.04.2021 թվականի թիվ 25 որոշմամբ ԵՏՄ հանձնաժողովի 29.04.2020 թվականի թիվ 47 որոշման մեջ կատարվել է փոփոխություն 31.03.2021 թվականը փոփոխվել է և երկարացվել է մինչև 30.09.2021 թվականը:

Նյութերի ուսումնասիրության արդյունքում պարզվել է, որ Թուրքմենստանի քաղաքացի Հենրիկ Հայրապետյանի կողմից 30.06.2019 թվականին ժամը 11:01-ին Մեղրիի մաքսային կետ-բաժնով ՀՀ է ներմուծվել BMW-530i մակնիշի, VIN-WBANE71070CM08165, 2007 թվականի արտադրության, AS3085AG պետհամարանիշի տրանսպորտային միջոցը: Սահմանափակումների պատմության համաձայն Թուրքմենստանի քաղաքացի Հենրիկ Հայրապետյանը 28.09.2021 թվականին ժամը 12:11-ին BMW-530i մակնիշի, VIN-WBANE71070CM08165, 2007 թվականի արտադրության, AS3085AG պետհամարանիշի

տրանսպորտային միջոցով Բագրատաշենի մաքսային կետ-բաժնով հատել է սահմանը և անցել Վրաստան:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Ելնելով վերոգրյալից և ղեկավարվելով ՀՀ մաքսային օրենսգրքի 208-րդ հոդվածի, ԵՏՄ հանձնաժողովի թիվ 47 որոշմամբ և 47 որոշման մեջ թիվ 79, 25 որոշումներով կատարված փոփոխություններով և «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետով՝

Ո Ր Ո Շ Ե Ց Ի

1. Թուրքմենստանի քաղաքացի Հենրիկ Հայրապետյանի նկատմամբ մաքսային կանոնների խախտման վերաբերյալ գործի վարույթ սկսելը մերժել:
2. Որոշման մասին հայտնել Թուրքմենստանի քաղաքացի Հենրիկ Հայրապետյանին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՀԱՅԿ ՄԻՐԶՈՅԱՆ